

# КНИГАГУДЫН ЛУДШЫЖО - УСТА ТУНЫКТЫШО

Зеленогорск поселкын книгагудыжо кок пачашан школын зданий-ыштыже верланен. Волгыдо пöлемыштыже түрлө книга, журнал да газет шуко, пырдыжым тематический ончер-влак сöрастарат, сад көршöкысö пеледыш-влак кумылым нöлтат.

Тунемше да туныктышо-влаклан пешак йöнан: переменыште книгам кычал муаш, түрлө сынан меропрятйлашке писын ушнаш, книгагудо пелен клубышто да кружокышто уым пален налаш, жапым веселан эртараш книгагудо вуйлатыше полша. Школ да книгагудын пашам вашла ыштымышт ача-ава-влакланат келша.

Книгагудо вуйлатышын пашаштыже эн кугу польш – тиде туныктышо-влакын рывезе тукумым лудаш кумыландымышт. Кажныжлан таум каласыме шуэш.

Ик тыгай уста туныктышо нерген порын сералташ кумыл лекте. Тиде Зеленогорск школ директорын туныктымо паша шотышто алмаштышыже, марий кугыжаныш йылмым, ИКН-ым туныктышо М.А. Воробьева (снимкыште). Миральда Александровна марий йылмын кöлешлыкшым, чапшым ончыкташ, тудым виянден колташ тырша. Тиде



руш школ гынат, пыртартыш йлаште марла мутланымым чöчкыдынрак коллаш лиеш. Тыште Миральда Александровнанад надырже уло, тудо марла кутыраш, марий калыкын историйжым да тöвыражым тунемаш шöманда. Книгагудышто тунемше-влак дене эртарыме меропрятйлашке туныктышо уло кумылын ушна: Юрий Русановлан пöлеклалтше шарнымаш вашлиймаште, почеламут конкурслаште, патриотический да краеведческий таңасымаште,

сылнымут каслаште польшым пуа. Краеведений отдельш у книга пурьмеке, тудын дене палдарыде ок код. Книгамат лудын лекмекше, мольланат кöчыкын каласкален пуа. Лудшо-влакым республикысе тöвыра илыш дене палдара, театрлаш да тоштерлаш лекташ кумыландат.

М.А.Воробьева Весшöргö ялыште туныктышо ешыште шочын-кушкын, изинекак туныктышо лияш кумылжо лийын. Ялысе школ деч вара тудо Оршанке педучилищым тунем пытарен да Кугу Кожлял школышто пашам ыштен. 1986 ийыште Зеленогорск школышко куснен, тыште тудо 37 ий тырша. Н.К. Крупская лöмеш Марий пединститутышто тöналтыш класслам туныктышлан заочно тунемын. Шуко гана школын, районын, республикын чапшым аралаш логалын. 2010 ийыште Морко муниципал районысо администраций вуйлатышын призше верч «Эн сай туныктышо» таңасымаште сенышыш лектын, а 2016 ийыште – муниципал да республике кöкшытыштö эртаралтше «Марий йылме ден эн сай туныктышо» конкурсышто сенен. 2016 ийыштак шочмо да руш йылмым туныктышо-влакын Моско олаште эртаралтше Всероссийский мастер-классыште участвоватлен да

тушто «Туныктышо-новатор» номинацийыште кокымшо верым налын. 2020 ийыште Марий Эл Республикым Вуйлатышын Тауштымашыж дене палемдалтын, 2022 ийыште методический разработко шотышто Всероссийский таңасымаште диплом дене палемдалтын.

Республик кöкшытан «Мунло» интеллектуал модышышто «Чолпан» команде дене пырля М.А.Воробьева Морко районын чапшым ик гана веле огыл аралаш полшен. Зеленогорск школ «Пампалче» удыр-влак команде (нуным Миральда Александровна ямдылен) Йошкар-Олаште почётан кумшо верым налын. Кажне ийын тудын тунемшыже-влак ИКН дене район да республике кöкшытан олимпиадылаште ойыртемалтын, сеныше але призёр радамаш лектыт, школын чапшым аралат. Наставник семын тидлан шуко гана грамот дене палемдалтын.

Шочмо йылмым арален кодымо да марий калыкын волгыдо ончыкылыкшо верч чон йöлен тыршыше туныктышылан пашаштыже вий-куатым да кугу лектышым тыланена, книгагудын тыгай лудшыжо дене кутешнена.

**Раисия ДЕМАКОВА,**  
Зеленогорск книгагудын  
вуйлатышыже